

TREGÐULÖGMÁL KVENNALISTANS

UMRÆÐUR á landsfundi Kvennalistans, sem haldinn var á Nesjavöllum um seinustu þelgi, báru ekki vott um að kvennalistakonur eygðu leið út úr tilvistarkreppu flokks síns.

Umræðurnar sýndu vissulega fram á að flokkskonur viðurkenna nú loks að flokkur þeirra eigi undir högg að sækja, enda sýndu úrslitin í seinustu þingkosningum ljóslega fram á það. Af þeim möguleikum, sem ræddir voru, völdu kvennalistakonur hins vegar þann kost að halda áfram á sömu braut og áður og halda áfram að tala um vandamálin í stað þess að taka af skarið um breytingar, til dæmis samstarf við aðra flokka.

Tregðulögðmálið í Kvennalistanum virðist þannig vera orðið sterkt, líkt og í gömlu flokkunum sem kvennalistakonur hafa gagnrýnt. Óttinn við breytingar ræður, þótt ljóst sé að gömlu aðferðirnar skili ekki árangri lengur.

Úrelt og stöðnuð viðhorf í þjóðfélaginu eru, eins og Kvennalistinn hefur marg oft bent á, það sem einna helzt stendur kvennabaráttu fyrir þrifum. Nú virðist hins vegar svo komið að kredufest og fastheldni við gamalt form innan kvennahreyfingarinnar sjálfrar geti farið að hamla gegn árangri hennar.

MDL. 14.11.